



Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

Na osnovu čl. 36., 37. i 38. Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", br. 45/12 – Prečišćeni tekst, 26/14, 46/17, 18/19, 20/20 i 24/20 - Ispravka) i Uredbe o dodjeli sredstava za održivi povratak ("Službene novine Kantona Sarajevo", br. 17/03, 27/04, 17/07 i 38/20), Ministarstvo za boračka pitanja Kantona Sarajevo raspisuje

JAVNI OGLAS

**za podnošenje zahtjeva fizičkih lica, povratničkih općina, institucija i udruženja
za dodjelu sredstava za održivi povratak u mjesto predratnog prebivališta
za 2020. godinu**

1. Predmet javnog oglasa:

Podnošenje zahtjeva za dodjelu sredstava za održivi povratak u mjesto predratnog prebivališta braniocima, ratnim vojnim invalidima, porodicama šehida i porodicama poginulih, umrlih i nestalih branilaca, kao i zahtjeva povratničkih općina, institucija i udruženja čija je djelatnost povratak i njegova održivost.

2. Pravo učešća:

Pravo podnošenja zahtjeva za dodjelu sredstava za održivi povratak imaju ona lica koja su se sa područja Kantona Sarajevo vratila na predratno prebivalište, koja imaju riješeno stambeno pitanje u mjestu povratka i uslove za obavljanje, odnosno pokretanje proizvodno-uslužnih, zanatskih, poljoprivrednih i drugih djelatnosti. Ovo pravo nemaju lica koja imaju ili su imala status interno raseljenog lica na području Kantona, odnosno lica koja su svoje stambeno pitanje trajno riješila ili rješavaju na području Kantona Sarajevo.

3. Uslovi za dodjelu sredstava za održivi povratak:

Pravo na dodjelu sredstava za održivi povratak mogu ostvariti lica iz člana 1. Zakona o dopunskim pravima boraca-branitelja Bosne i Hercegovine koja su se sa područja Kantona Sarajevo vratila na predratno prebivalište i da tamo imaju riješeno stambeno pitanje, pod uslovom da su kao raseljena lica na području Kantona Sarajevo imala prijavljeno prebivalište, odnosno boravište najkasnije na dan 06.02.1999.godine.

Sredstava za održivi povratak su bespovratna i odobravaju se u visini najviše do 12.000,00 KM. Od ukupnog iznosa odobrenih sredstava najmanje 60% sredstava plasira se u stalna – osnovna sredstva i usluge, a najviše 40% u novcu na račun korisnika.

Odobrena sredstva će se plasirati putem Ministarstva uz potpisivanje odgovarajućeg ugovora. U slučaju nenamjenske realizacije dobijenih novčanih sredstava za održivi povratak korisnik sredstava će biti u obavezi da ista vrati u cijelosti.

4. Podnošenje zahtjeva za dodjelu sredstava za održivi povratak:

Zahtjevi za dodjelu sredstava za održivi povratak podnose se Ministarstvu za boračka pitanja Kantona Sarajevo na uredno popunjenoj aplikaciji za podnošenje zahtjeva, putem pisarnice Kantona Sarajevo ili poštom na adresu ul. Reisa Džemaludina Čauševića br.1, 71000 Sarajevo. Aplikacija za podnošenje zahtjeva se može preuzeti u info punktu u pisarnici Kantona Sarajevo ili na web stranici Ministarstva za boračka pitanja Kantona Sarajevo (mbp.ks.gov.ba).

Uz zahtjev je neophodno priložiti svu potrebnu dokumentaciju.

5. Potrebna dokumentacija:

- Kućna lista (izdata u mjestu povratka);
- Dokaz o pripadnosti boračkoj populaciji po odredbama člana 1. Zakona o dopunskim pravima boraca-branitelja BiH:
 - a) za porodice šehida i porodice poginulog borca, umrlog, nestalog branitelja-reviziono rješenje o priznavanju prava na porodičnu invalidninu i invalidninu i uvjerenje od službe za boračko-invalidsku zaštitu da i dalje ostvaruje pravo na ličnu invalidninu;
 - b) za branitelja, dobrovoljca i organizatora otpora, veterana, učesnika rata - Uvjerenje od općinskog odjeljenja sektora za vojne evidencije Federalnog ministarstva za boračka pitanja sa upisanim razlogom o demobilizaciji;
 - c) za ratnog vojnog invalida, mirnodopskog vojnog invalida - reviziono rješenje o priznavanju prava na ličnu invalidninu i invalidninu i uvjerenje od službe za boračko-invalidsku zaštitu da i dalje ostvaruje pravo na ličnu invalidninu;
 - d) za dobitnika ratnih priznanja i odlikovanja i člana porodica poginulih, umrlih i nestalih dobitnika ratnog priznanja i odlikovanja-rješenje o ostvarivanju novčane naknade za dobitnike ratnih priznanja (općinski BIZ);
- Izjava da su podnosilac zahtjeva i njegovi članovi porodičnog domaćinstva imali status raseljenog lica u Kantonu Sarajevo ili rješenje nadležnog organa;
- Uvjerenje o kretanju – potvrda o prebivalištu (izdato od nadležne Policijske Uprave MUP-a Kantona Sarajevo po mjestu prijavljivanog boravka, a koje dokazuje prijavu boravka u Kantonu Sarajevo najkasnije na dan 06.02.1999.godine);
- Izjava da podnosilac zahtjeva i njegovi članovi porodičnog domaćinstva sa kućne liste nemaju riješeno stambeno pitanje u Kantonu Sarajevo i da u Kantonu Sarajevo nemaju imovine-nekretnina koje su u njihovom knjižnom ili vanknjižnom vlasništvu;
- Dokazi o neposjedovanju nekretnine ili stana na području Kantona Sarajevo za podnosioca zahtjeva i sve punoljetne članove domaćinstva (Uvjerenje od Zemljišno-knjižnog ureda iz odjeljenja Grunta i Uvjerenje od Zemljišno-knjižnog ureda iz odjeljenja Knjige položenih ugovora Suda u Sarajevu, kojima se dokazuje da nemaju nekretnina u Sarajevu, odnosno da nisu vlasnici stana ili kuće u Kantonu Sarajevo);
- Dokaz o povratu imovine u mjestu predratnog prebivališta: Odluka, Rješenje ili drugi dokaz o povratu imovine u mjestu predratnog prebivališta;
- Dokaz o uslovnosti vlastite kuće ili stana za stanovanje na području predratnog prebivališta: Potvrda, Uvjerenje, Izjava ili drugi dokaz izdat od strane Općine ili Mjesne zajednice prema mjestu povratka-predratnog prebivališta;
- Dokazi o ukupnim mjesečnim prihodima-primanjima podnosioca zahtjeva i članova njegovog porodičnog domaćinstva po osnovu radnog odnosa, boračko-invalidske zaštite, penzije, samostalne djelatnosti i drugih osnova: potvrde o primanjima od firmi, čekovi od penzije i sl., odnosno uvjerenja od Službe za zapošljavanje ukoliko je podnosilac zahtjeva ili član njegovog porodičnog domaćinstva nezaposlen;
- Kopija CIPS-ove prijave prebivališta za podnosioca zahtjeva i punoljetne članove porodičnog domaćinstva;
- Biznis plan za djelatnost za koju se traže sredstva, sa opisom postojeće imovine i resursa potrebnih za planiranu djelatnost (kao što su: zemljište, objekti i dr.) i obrazloženjem strukture planiranih ulaganja;
- Izjava podnosioca zahtjeva da će u skladu sa podnesenim zahtjevom odobrena sredstva iskoristiti namjenski za održivi povratak u mjesto predratnog prebivališta.
- Izjava o davanju saglasnosti podnosioca zahtjeva za korištenje ličnih podataka u cilju obrade i rješavanja zahtjeva.
- Podnosioci zahtjeva kojima budu odobrena sredstva za održivi povratak će, osim dokumentacije podnesene uz zahtjev, po zaključenju ugovora o realizaciji odobrenih sredstava, biti dužni Ministarstvu dostaviti predračun, fakturu ili (pred)ugovor o kupoprodaji potrebnih materijalnih sredstava, kao npr.: stočni fond, poljoprivredne mašine, razna oprema i stalna sredstva za rad, kao i druga materijalna sredstva koja se kupuju od fizičkih ili pravnih lica, kao i dr. dokumentaciju po potrebi.

6. Zahtjevi povratničkih općina, institucija i udruženja:

Izuzetno, za lica iz člana 1. Zakona o dopunskim pravima boraca-branitelja Bosne i Hercegovine, a u skladu sa članom 10.a Uredbe o dodjeli sredstava za održivi povratak, sredstva za održivi povratak će se u 2020. godini namjenski odobravati i kroz projekte održivog povratka kandidovane od strane povratničkih općina, institucija i udruženja čija je djelatnost povratak i njegova održivost, uz saglasnost Vlade Kantona Sarajevo.

Uz zahtjeve povratničkih općina, institucija i udruženja neophodno je priložiti:

- Projekat za koji se traže sredstva održivog povratka;
- Dokaz o registraciji i dokaz o djelatnosti;
- Broj tansakcijskog računa općine, institucije ili udruženja;
- Pismo podrške Općine ili Mjesne zajednice prema mjestu povratka na koje se odnosi kandidovani projekat;
- Izjava podnosioca zahtjeva da će sredstva biti iskorištena namjenski za kandidovani projekat u svrhu obezbjeđenja uslova održivog povratka u mjesto predratnog prebivališta i da će po realizaciji sredstava Ministarstvu za boračka pitanja Kantona Sarajevo dostaviti izvještaj o realizaciji i utrošku sredstava (ovjerena od strane općinske službe za ovjeru potpisa);
- Spisak povratnika - lica iz člana 1. Zakona o dopunskim pravima boraca-branitelja Bosne i Hercegovine, sa pojedinačnim dokazima o pripadnosti boračkoj populaciji i dokazima da su povratnici iz Kantona Sarajevo (spisak treba biti ovjeren od strane udruženja, općine ili institucije – podnosioca zahtjeva);
- u postupku rješavanja po zahtjevu, ili prilikom pribavljanja saglasnosti Vlade Kantona Sarajevo za rješavanje zahtjeva, Ministarstvo za boračka pitanja od podnosioca zahtjeva po potrebi može zatražiti i dodatnu dokumentaciju.

7. Izvor finansiranja programa dodjele sredstava za održivi povratak:

Finansiranje programa dodjele sredstava za održivi povratak obezbjeđuje se iz namjenskih sredstava izdvojenih u Budžetu Kantona Sarajevo za 2020.godinu u iznosu od 50.000.00 KM.

8. Rok za podnošenje i rješavanje zahtjeva:

- Rok za podnošenje zahtjeva je **od 25.09.2020. do 12.10.2020. godine u 16.00 sati.**
- Obrada i rješavanje zahtjeva vršit će se u skladu sa osnovnim i posebnim kriterijima za dodjelu sredstava za održivi povratak i to u periodu nakon isteka Javnog oglasa.
- Rezultati će biti objavljeni na oglasnoj ploči u Kantonu Sarajevo, kao i na web stranici Ministarstva za boračka pitanja Kantona Sarajevo (mbp.ks.gov.ba).

9. Napomena podnosiocima zahtjeva:

- Nepotpuni i neblagovremeni zahtjevi se neće uzimati u razmatranje.
- Dokumentacija podnesena uz zahtjeve se neće vraćati podnosiocima pa se sugeriše podnošenje ovjerenih kopija navedenih dokumenata.
- Svi zahtjevi iz 2019. godine, odnosno iz perioda prije objavljivanja ovog Javnog oglasa, koji nisu rješavani, trebaju biti obnovljeni odnosno dopunjeni u skladu sa ovim oglasom.

Broj: 06-11-36733/20
Sarajevo, 24.09.2020. godine



web: <http://mbp.ks.gov.ba>
e-mail: mbp@mbp.ks.gov.ba
Tel: + 387 (0) 33 562-012,
Fax: + 387 (0) 33 562-251
Sarajevo, Reisa Džemaludina Čauševića 1

